

Udako Euskal Unibertsitateak 25 urte

fisika, kimika eta matematika izan dira. Horrek erakusten du UEU ez dela ziborrari begira «euskal gaiak» joratzeko soilik antolatzen den ikastaro sorta bat. Argitalpenen adar bat izan da, era berean, *Uztaro* aldizkaria, 1990etik aurrera.

Jakintzaaren alor ohikoak hartzen ditu bere jardunean UEUk, baina, aldi berean, Euskal Herrian txertatuta dagoela kontuan hartuta. «Euskal gizartearen eta euskaldungoaren arazoei erantzunak bilatzen eta ematen saiatzen da UEU», diote Unibertsitatearen barne erabakiek. «Zientziaren garapena gizartearen zerbitzuan eta gizakion onerako izan dadin ahaleginduko da UEU, eta konpromezu horren lehen gauzatzea Euskal Herrian bertan bideratuko du».

Urtez urte sendotzen • UEU Iruñean kokatu eta hurrengo urteetan, 1980.aren bueltan, EHU sortu berrian euskara lekua irabazten hasi zen. Euskal adarrak sortu eta indartu ziren pixkanaka, eta, hortaz, UEUren lana lerro horiek sendotzeko lagungarri bihurtu zen neurri batean. 1981ean, UEU bera EHUren barneko adar edo erakunde autonomo izatea planteatu zen, eta negoziaketek aurrera egin zuten. UEUk egoitza iraunkor bat lortzea espero zuen, eta EHUKo uda ikastaroetako lerro oso baten antolaketa bere esku hartuko zuen. Hala ere, 1984an EHUKo orduko errektoreak, Gregorio Monrealek, asmo horiek guztiak moztu zituen.

Norabide horrek huts egin ondoren, biltzar berezia egin zuen UEUk 1984an bertan. Erakundeekiko autonomia erabaki zen hartan, eta bere kasa UEUk barruti bakarraren ideia praktikan jartzea. Horren ondorioz, berriaz hasi ziren Iparraldeko jardunaldiak, Baionan. Izan ere, Uztaritzetik Hegoaldera igaro zirenetik ikastaroak, Iparraldearen pisua asko jaitsi zen UEUren barne orekan. Muga nabarmenegi sentitzen zuen unibertsitateak.

Era berean, neguko hitzaldi sortak antolatu izan dira han eta hemen. Iaztik hona joera deszentralizatu hori sendotu du UEUk: mintzaldi saioez gain, egun bateko topaketa monografikoak hasi dira antolatzen; eta Baionako jardunaldietan ostatu hartzeko aukera dago orain, eta horrek ikasle gehiago erakarri ditu Hegoaldetik. Hala ere, iaz 900 inguru ikasle izan baziren udako ikastaroetan, 700 baino gehiago Iruñeko ekitaldian egin zireh.


Lehen Kongresuko erabakiak • Azken hamar urteetan UEUk bere burua sendotzen segitu du. Interes publikoko kultur elkarte gisa ezagutu dute administrazioek, eta hutsik egin gabe antolatu ditu udako ikastaroak eta gainerako jarduerak. Aldi berean, gogoeta etengabea segitu du Unibertsitateak. Une garrantzitsua izan zen iazko udaberrian Donostian egindako UEUren I. Kongresua. Berriz berretsi zen biltzar horretan UEUren helburu nagusia, Euskal Unibertsitatea sortzen laguntzea, eta halaxe de-

finitu zuten unibertsitate hori: «Euskal Herria osoa hartuko duen eta euskara lan eta komunikazio tresna nagusitzat edukiko duen unibertsitatea».

Helburu horretara hurbiltzeko lan egiteko konpromezua hartu zuen UEUk Kongresuan, eta lan ardatz hauek markatu zituen: «Euskal Unibertsitatea lortzeko baldintza sozio-politikoak lantzea; euskal komunitate zientifi-

ko-intelektuala biltzea; eta unibertsitate gaien euskalduntze, produkzio eta zabalkundean sakontzea».

Euskal Unibertsitate «euskaldun, nazional eta herritarra» ez dago hurbil oraindik 1997an, baina UEUk lanean segitzen du, eragiten eta baldintzak sortzen, eta baliabide humanoak eta teknikoak ahal den heinean gartzen. X



Fernando Mijangos kimikako eskolak ematen Iruñeko jardunaldi batzuetan.

ARGIA

Nerbioiko Bazter Berria

Nerbioiko itsasadarrean industri-bazter berri bat proiektatzen da. Nerbioiko Bazterrean Berregokitzeak bere lehen fruituak eman ditu.

Metroaren 2 linea eraiki, Portua hedatu edo itsasadarra bera garbitzearen bidez, funtzeskoenak diren zenbait engranai jadanik martxan daude. Industri, energia, ingurugiro, logistiko eta gaitzairuaren betidaniko industriako proiektu berriak, baita ere, ibilbidean hasten dira.

Eta industri-lurraren erretserba handi bat...

ekonomiaren aldetik abantaila handiko baldintzetan eta zuzpergarri garrantzizkoekin enpresen esku jadanik dagoena. Etorrizunera aurrera doan bazter berri batean. Nerbioiaren bazter berriaren gainean proiektatzen den etorkizuna.



Bizkaiko Foru
Aldundia

Diputación Foral
de Bizkaia

Bizkaiarekin
aurrera goaz